

„Правда“ газетин корреспондентин сурврумудт Н. С. Хрущевин өгсн хэрү

„Правда“ газетин корреспондентин сурврумудт СССР-н Министрмүдин Советин Ахлач үр Н. С. Хрущев хэрү өгчә-гяад, октябрин 31—цаг тудл уга ядерн селм сөрлгьиг уурулхин тускар Америкин Соединенн Штатсла болн Великобританьла болх күүндврилгид, Советск правительствд тааста өдр гидж герчлв.

Женевд шидр экспертс, ядерн селм сөрлгьиг уурулх зөвшәл күүнджәх угагьинь шиндждлгч техникеск эсвин туск төр күүндж, сәәнәр хагьлсн, терүг эн күүндврт бас таалта газрт гидж тоолджахан үр Н. С. Хрущев темдгьлв.

Тиигхләрн, иим күүндврумудт, цуг орн-нутгуд аль-бис атомн болн водородн селм сөрлгьән мөнъкинд уурхиг зөвшәлхәр седх зөвтә гидж үр Н. С. Хрущев лавтрхагьяр келв.

Ядерн селм сөрлгьиг уурулх зөвшәлиг күүнджәх шиндждлж болшго гисн тууджиг экспертсин Женевск совещань унъгарнь уга кесиг цәәлгьхләрн, эн төрәр Советск правительствин хәләцнь үннинь совещаня ашмуд үлү гидгәр илдкв гидж үр Н. С. Хрущев таасмджагьяр темдгьлв.

Экспертсин Женевск совещаня докладт йовх, ядерн селм сөрлгьиг альд болвчн уурулхиг шиндждлж эсвин туск цуг тоолвринь болн селвгинь, Советск правительств зөв гиджәхиг үр Н. С. Хрущев келв.

Тегәд, өдгә цагт ядерн селм сөрлгьиг цаг тудл уга, альднь болвчн уурулхиг бурушахд ямаран чигн уршгилгьн болн бийән цеврлгьн гарх зөв уга гидж үр Н. С. Хрущев темдгьлв.

Президент Эйзенхауэрин бо-

лн английск правительствин августин 22-т барлсн герчлгьнь, США-н болн Великобританя правительствс, Советск Союзас үлгүр авч, селм сөрлгьән уурхар бәәхинь герчлджәхш гидж Советск правительствин толгьач харм төрдж темдгьлв.

Селм сөрлгьиг, цаг зуур негхн джилд зогсахмн гидж США-н болн Великобританя правительствсин келдгнь ямаранчн чинруга, юнъгад гихлә, тернь дирани сөргдх ядерн селм бел кехд кергтә цаг болджана.

Газрин альднь болвчн ядерн селм сөрлгь уурулхиг бурушалг улс дакн уршг татджана, — гидж үр Н. С. Хрущев келв. „Ода, селм сөрлгьиг шиндждлж болхнь цугтаднь ил медгджджәклә, Вашингтонд болн Лондонд селм сөрлгь уурулх төриг, агслгьнас селм гаргьх наадк төрмүд хагьлл уга болшго гидж шинәс герчлджәнә“.

Советск Союз ядерн селм сөрлгьән уурулхиг США-н болн Великобританя правительствс олзлдж, бийсдән үлү дәәнә зер-зевин куч кехәр зүткдждәнә.

Западн орн-нутгудин иим йовдлас көлтә, Советск госуларствин әәмшг уга бәәлгьнднь харшлхиг, Советск правительств теслж чадшго.

„США-н болн Великобританя келжәх йовдлмуд, олн-әмтнә ухан-седкклә эс ирлцдждәх учрар, Советск Союз цаг тудл уга, альд болвчн ядерн селм сөрлгьиг уурулх төрт западн орн-нутгудин сән ухан-седкклд ицдж, ганцхн бийдән авсн даалгьвраснь сулдхджана“.

Дару болх ООН-а Генеральн Ассамблейин арвин гурвдгч хур, цуг орн-нутгуд ядерн селм сөрлгь уурулх төрт эврәннь лавтрха үгән келх зөвтә гидж үр Н. С. Хрущев келв.